

# KOLOHE TIME



Papa ma ke Kula-Ke Aloha ma Waena o ka 'Ohana

## Papa ma ke Kula: Papa 1

Lō‘ihī: 60 minuke

Nīnau Ho‘okolokolo: Pehea wau e hō‘ike‘ike ai i ke aloha ma ko‘u ‘ohana?

**Pahu Hopu:** Ma ka pau ‘ana o kēia ha‘awina, akamai nā haumāna i ka wehewehe ‘ana i ua ‘ano mea lā he ‘ohana a me ke aloha; ka hō‘ike‘ike ‘ana i nā hana e aloha ai i ka po‘e a pau o ko lākou ‘ohana: kui i ka lei pua mēlia, hana i ka leka aloha, kaha ki‘i i ko lākou ‘ohana.

### Nā Lako e Pono ai:

- Pepa palapala kuhikuhi a i ‘ole ka papa ke‘oke‘o
- Nā peni māka
- Pua mēlia maoli a i ‘ole ‘ea a pepa paha (lawa kūpono no nā haumāna)
- Kaula a lopi huluhulu paha
- ‘Ūpā
- Pepa ‘o‘ole‘a a pepa waiho‘olu‘u paha
- Kala, peni māka, penikala kala paha
- Tuko, leki paha
- Nā ki‘i o nā ‘ano ‘ohana like ‘ole
- Pepa Hana Ha‘awina ‘Ohana
- Ki‘i‘oni‘oni: The Aloha Song [https://www.youtube.com/watch?v=Nm2\\_0I\\_bAxI](https://www.youtube.com/watch?v=Nm2_0I_bAxI)
- Ki‘i‘oni‘oni: Kolohe Time: The Island of No Aloha <https://www.youtube.com/watch?v=uJ2uCZvfP9U>



## ‘Ōlelo Kuhikuhi Mua (Hana wau):

1. Ho‘omaka i ka ha‘awina ma ke kākau ‘ana iā “Ohana” a me “Aloha” ma luna o ka pepa palapala kuhikuhi a i ‘ole ka papa ke‘oke‘o.
2. E wehewehe i ka mana‘o o “Ohana”: ”O ka ‘Ohana, ‘o ia nā kūpuna, nā mākua, a me nā keiki hui pū ‘ia. Hui pū ‘ia nō nā hoahānau o nā kūpuna, nā hoahānau o nā mākua, a me nā hoahānau o nā keiki; ‘o ia ka po‘e mea nui loa iā kākou.”
3. E hō‘ike i nā ki‘i o nā ‘ano ‘ohana like ‘ole, ‘o ka ‘ohana me nā mākua a me nā keiki wale nō, ho‘okahi makua wale nō, ka ‘ohana hui ‘ia me nā hanauna like ‘ole, a me ka ‘ohana hui ‘ia me nā hoaloha a i ‘ole nā hoa noho. E kūkākūkā no ka ‘oko‘a a me ka mea like ma waena o nā ki‘i.
4. E wehewehe i ka mana‘o o ‘Aloha’: ”O ke ‘ano o ke aloha, ‘o ia ka ‘olu‘olu a me ka lokomaika‘i o ka mana‘o a me ka hana i kekahi po‘e a‘e; ‘o ka mālama pono ‘ana i ka hau‘oli a me ka ‘olu‘olu o kekahi po‘e a‘e.”
5. ”E ho‘olohe kākou i ka hīmeni, ‘o Aloha Song, a e nānā kākou i kekahi ki‘i‘oni‘oni no ke Aloha.” E ho‘olele i ka ki‘i‘oni‘oni, ‘o Aloha a me Kolohe Time: The Island of NO Aloha

E ‘ōlelo: ”Pehea i hō‘ike‘ike ai ka Mika Uila i ke aloha ma loko o ke ki‘i‘oni‘oni?” E ho‘olohe i nā pane a e kōkua i nā haumāna ke pono.



## **Ka Hana Alaka'i 'ia (Hana kākou):**

1. Kūkākūkā: "E kūkākūkā kākou no kekahi mau 'ano o ka hō'ike'ike 'ana i ke aloha ma waena o ko kākou mau 'ohana. E ho'opuka mai i ko 'oukou mana'o."
2. E hō'ike'ike i kekahi mana'o ho'ohālike: : "He aha ko 'oukou mana'o no ka hō'ike'ike 'ana i ke aloha ma waena o ko 'oukou 'ohana? 'O kekahi ho'ohālike 'ana, 'o ke kōkua like i nā māhele hana ma ka home, pūliki i ka po'e o ko 'oukou 'ohana, ka'ana like i kā 'oukou mau mea pā'ani."
3. "E kākau wau i ko 'oukou mau mana'o ma ka palapala nei." E kākau i nā mana'o o nā haumāna ma luna o ka palapala kuhikuhi.
4. E wehewehe i ka hana: "I kēia lā, e a'o kākou no ka hō'ike'ike 'ana i ke aloha me ko kākou mau 'ohana. E kui kākou i ka lei pua mēlia, e hana kākou i ka leka aloha, a e kaha kākou i ki'i o ko kākou mau 'ohana."

### **Hana 1: Kui i ka Lei Pua Mēlia (Hana Kākou a Hana 'oe)**

1. Hō'ike'ike i ke kui 'ana i ka lei pua mēlia me ka pua maoli, pua 'ea, pua pepa paha, a me ke kaula. "'O ka hana mua loa, e 'oki i 'āpana kaula a lopi huluhulu paha i lō'ihi kūpono no ka hana i lei. A laila, e kui pono i ka pua ma loko o kona mana ā lawa loa i lei."
2. E kuhikuhi i nā haumāna e kui i lei pua mēlia e ho'olei ai i kekahi po'e o ko lākou 'ohana. E kōkua i nā haumāna e like me ka mea hiki.
3. Aia ā pau pono nā lei i ka hana 'ia, e kuhikuhi i nā haumāna e no'ono'o no ke kanaka a lākou e ho'olei ai a me ke kumu e hā'awi ai i ka lei.



## **Hana 2 (he koho): E hana i ka leka aloha no kekahi po‘e o kou ‘ohana (Hana ‘oe)**

1. E kuhikuhi i nā haumāna e ‘opi i kekahi ‘āpana pepa ‘o‘ole‘a a pepa waiho‘olu‘u paha ā hapalua like e hana ai i kekahi leka aloha.
2. E paipai i nā haumāna e kākau i kekahi mana‘o aloha ma loko no ka hō‘ike‘ike aku i ko lākou aloha i kekahi po‘e o ko lākou ‘ohana.
3. E ‘ae aku i nā haumāna e ho‘onaninani i ka leka me kala, ka peni māka, a i ‘ole ka penikala kala.

## **Hana 3 (he koho): E kala i ka ‘ao‘ao – E kaha ki‘i i kou ‘ohana (Hana ‘oe)**

1. E kaka‘ahi aku i ka pepa ‘o Ko‘u ‘Ohana i kēlā kēia haumāna.
2. E kuhikuhi i nā haumāna e kaha i ki‘i o ko lākou ‘ohana, me nā po‘e pākahi a pau nō i mana‘o ‘ia he mea nui.
3. E paipai i nā haumāna e ho‘ohana i ke kala, ka peni māka, a i ‘ole ka penikala kala e kaha ki‘i ai i kā lākou ki‘i.

### **Ke Pani:**

E kuhikuhi i nā haumāna e hō‘ike‘ike mai i kā lākou mau ki‘i me nā hoa haumāna a kaula‘i lākou i kā lākou ki‘i ma ka paia.



## Kekahi mau mana'o keu no kēia ha'awina:

Ma ke pani 'ana o kēia ha'awina, na kēia ha'awina, 'o 'Ohana a me ke Aloha, i hō'ike'ike i kekahi hana a ka po'e Hawai'i, kālele nui 'ia ka mea nui o ka 'ohana, ke aloha, ka launa pū 'ana. Ma nā hana like 'ole he nui, a'o nā haumāna i ka mahalo no ka mea nui o nā kumu mana'o'i'o o ka lāhui Hawai'i 'ōiwi.

Ma ke pani 'ana i ka ha'awina, e no'ono'o kākou i nā mana'o nui o kēia ha'awina:

1. Ua nānā nui nā haumāna i ka mea nui o ka 'ohana a me ke aloha ma waena o ka lāhui Hawai'i 'ōiwi, a nānā nui 'ia ka mea nui o ia mau kumu mana'o'i'o ma ka launa 'ana o nā kānaka like 'ole ma waena o ka lehulehu.
2. Ma ka hō'ike'ike 'ana i nā mo'olelo, a'o nā haumāna no ka mo'olelo a me nā loina o ka lāhui Hawai'i 'ōiwi, a he kōkua kēia ha'awina i ka paipai 'ana i ka ho'omaopopo a me ka mahalo 'ana no nā lāhui like 'ole.
3. Ma ka hana 'ana i nā hana lima, 'o ka hana lei paha na kekahi po'e o ka 'ohana, pēlā e ho'ohui 'ia ai ka mana'o o ia mea he 'ohana a me ka mahalo no ka launa 'ana o ka po'e a pau o ka 'ohana.
4. Ma ka ho'okō 'ana i nā mana'o aloha, ulu ka mana'o 'olu'olu a lokomaika'i o loko o ka haumāna, me ka menemene i nā po'e like 'ole a me nā hana mea nui no ka paipai 'ana i aloha like ma waena o ka po'e a pau.

Ma ka pau 'ana o kēia ha'awina, e paipai i nā haumāna e mālama a ho'okō i nā kumu mana'o'i'o i a'o 'ia ma kēia ha'awina, 'o ka 'Ohana a me ke Aloha, ma waho o ka lumi papa. Ma ka ho'okō 'ana i nā loina o ke aloha, ka lokomaika'i, a me ka 'ohana, pēlā e ulu ai ke aloha like ma waena o ka lehulehu. Mahalo nui no ke komo 'ana i kēia papa hana a'o loina Hawai'i 'ōiwi. E ho'oulu mau i ke aloha.



# Ka Ho‘ohālike ‘ana i ka Papa Hana me nā Loina Hawai‘i Content and Performance Standards III:

‘O ka Hawaii Content and Performance Standards III (HCPS III) ke kūlana a‘o i ho‘okumu ‘ia ma lalo o ka ‘Oihana Ho‘ona‘auao nāna ho‘ākāka i ka ‘ike a me nā hana e pa‘a pono ai i nā haumāna no ia papa aku nō a ia papa aku nō. No ka ho‘olikelike ‘ana i ka ha‘awina, ‘o Ka ‘Ohana a me ke Aloha, me kūlana a‘o o ka HCPS-III, e nānā nui ‘ia nā kumuhanā a me nā ana loiilo i ma lalo nei:

## 1. Pilikanaka:

*Ana Loilo SS.1.1.1 (Grade 1): E wehewehe i ka mea nui o nā loinā Hawai‘i no ka wā ma mua a me kēia wā.*

Ke nānā ‘oe i ka ha‘awina, ‘o Ka ‘Ohana a me ke Aloha, e a‘o nō nā haumāna no ka mea nui o nā loinā Hawai‘i ‘ōiwi mai ka wā ma mua mai a me kēia wā ma Hawai‘i nei.

## 2. Ha‘awina ‘Ōlelo (LA):

- *Kūlana A‘o LA.1.6 (Papa 1): Ho‘omaopopo a pane aku i nā ‘ano hō‘ike like ‘ole no ka ho‘omaopopo ‘ana, nā mana‘o like ‘ole, a me nā hana like ‘ole.*
- *Ana Loilo LA.1.6.2 (Papa 1): Haha‘i no nā ‘ao‘ao like ‘ole o ka ho‘omaopopo ‘ana.*

Ma ka nānā ‘ana i nā mo‘olelo like ‘ole a me nā mea like ‘ole i kūkākūkā ‘ia ai, e ulu ka mākaukau o nā haumāna ma ka haha‘i ‘ana no nā ‘ao‘ao like ‘ole o ka ho‘omaopopo ‘ana a hō‘ike‘ike i nā mea nui like ‘ole o ka ha‘awina, ‘o Ka ‘Ohana a me ke Aloha, ma kona ‘ano he loinā Hawai‘i ‘ōiwi.



#### 4. Ke Olakino (HE):

- *Ana Loilo HE.1.2.2 (Papa 1): E wehewehe i nā hana like ‘ole e mālama pono ai i ka pili pono ma waena o ka po‘e o ka ‘ohana.*

Ke hana nā haumāna i nā like ‘ole e hō‘ike‘ike ai i ke aloha, ulu ke aloha ma waena o ka po‘e o ko lākou mau ‘ohana ke ‘olu‘olu a lokomaika‘i aku kekahī i kekahī, a ulu pū ke akamai ma ka ho‘oulu ‘ana i ke aloha like.

Ke ho‘ohālike ‘ia ka papa hana o ka ha‘awina, ‘o Ka ‘Ohana a me ke Aloha, me kēia mau kūlana a‘o a me nā ana loiloi o ka HCPS-III, ulu ka mahalo o nā haumāna i nā loinā Hawai‘i ‘ōiwi, a ulu pū ko lākou akamai ma nā kumuhana like ‘ole.




# KOLOHE TIME



# ALOHA

# KOLOHE TIME



# ALOHA

# KOLOHE TIME






# ALOHA

# Kolohe TIME




# ALOHA

# **PUAMELIA**



# ***KO'U OHANA***



# VAIHI



vaihi-no-ka-oi



vaihimusic1



vaihi.nokaoi



vaihi.nokaoi



vaihi music

[www.vaihi.com](http://www.vaihi.com)